

15. december 2015

Inatsisartut suleriaasianni § 37 naapertorlugu matumuuna imaattunik apeqquteqaatinik Naalakkersuisunut saqqummiussivunga:

Apeqqut:

Kangaatsiaq umiarsualiveqarnikkut talittarfeqarnikkullu ajornartorsiorfiunera Naalakkersuisunit aaqqiivigineqarnissaa pilersaarutaanerluni?

(Inatsisartunut ilaasorta q Nikolaj Jeremiassen, Siumut)

Tunngavilersuineq.

Kangaatsiami nunniguttarfimmik naleqquttumik talittarfeqannginneq peqqutaalluni imaatigut sinersortaat M/S Sarfaq Ittuk aasaanerani avannamut kujammullu tulassanani sarsuavoq.

Pajuttumik tikittoqarpat aalisarnikkut inuussutissarsiorneq unitsinneqartarpoq talittarfiup ataasiinnaanera, taamatullu annikippallaanera pissutaalluni. Taamaalilluni aalisartut aningaasarsiatigut isertitarisinnaasaat kililerneqartarluni.

Naalakkersuisooqatigiinnermut isumaqatigiisummi anguniagassatut allaqqavoq “Angallanneq nunatsinni innuttaasunut inuussutissarsiornermullu iluaqutaasussanngorlugu aaqqissuunneqasasooq, aammalu takornariartitsisarnerup iluani inuussutissarsiorlut ingerlallualernissaannut naapertuuttumik aaqqissuunneqassalluni”. Naatsorsuutigaara nunarput tamaat isigalugu ineriartortitsinermi Kangaatsiaq aamma soorunami ineriartortussat akornannut ilaasoq.

Ilisimavara nunatta aningaasaqarnera qanoq inisseqqasooq, tullerriiarinikkulli periarfissat qanoq ittuunersut paaserusuppara, pilersikkusutatsinnummi tullerriiarineq aqqutissaammat.